

մուտք գործել երկրի ներքին գավառները։ Ուժերի այս ջլատման պայմաններում, երբ չկար միասնական ղեկավարություն, դժվար է որոշակի խոսք ասել 1726 թ. մարտի 24 թվակիր աղերսագրի շարադրման հանգամանքների մասին։ Մի բան պարզ է, որ, ինչպես ղեկպեքերի հետագա ընթացքը ցույց տվեց, Կասպից ծովեզերքում գտնվող ռուսական զորքերի հրամանատարությունը իրավասու էր ռազմական օգնություն ցույց տալու ո՛չ Ղափանում և ո՛չ էլ Ղարաբաղի սղնախներում օսմանյան զորքերի դեմ մենմենակ մարտնչող հայ զինվորությունը, քանի որ 1724 թ. օսմանցիների հետ կնքված պայմանագրով համաձայնություն էր կայացել, որ Ասուրպատականն ու ամբողջ Անդրկովկասը, բացի ծովափնյա շրջաններից, պետք է ռազմակալման ենթարկվեին օսմանյան զորքերի կողմից։

Առանձին հոգվածում անդրադառնալով այս ուղերձ-աղերսագրին, Ա. Միրզոյանը, համադրելով այն «Պատմության» տվյալների հետ և ելնելով Դավիթ-բեկի ու Մխիթարի փոխհարաբերություններում մերթնդմբեթ առաջացած և հաճախ սուր բնույթ ստացած տարաձայնությունների փաստից, հավանական է գտնում, որ այդ ծանր օրերին ևս հակասություններ են եղել նրանց միջև, որպիսի պայմաններում Մխիթարը, սեփական նախաձեռնությամբ, համախոհ մի քանի այլ յուզբաշինների ընկերակցությամբ, փորձել է կապ հաստատել ռուսական բանակի հրամանատարություն հետ և օգնություն ստանալ նրանցից⁹։

Ժամանակին առիթ է եղել նշելու, որ ստեղծված պայմաններում դիմադրական ուժերի կազմալուծմանը նպաստել են դասակարգային ներհակություններն ու դրսից ակնկալվող օգնության և օսմանցիների դեմ անհավասար պայքարում դաշնակիցներ որոնելու վերաբերյալ թե՛ր և դեմ կարծիքները¹⁰։ Երբ քննության ենք առնում 1726 թ. Ղափանում ստեղծված իրավիճակը, դժվար չէ նկատել, որ օրհասական այդ օրերին, սկզբից եեթ Ռուսաստանի օգնությանը ապավինած և ներկա ղեկպրծող դիմադրությունը շարունակելու կադմնակից հայ զինվորականությունը պիտի փորձեր օգնություն ստանալ այդ կողմից, որը կգար նաև ի կատար ածելու մահմեդական բռնատիրության լծից հայ ժողովրդի ազատագրության դարավոր երազանքը։ Սակայն, ինչպես վերը նշվեց, 1724 թ. կնքված ռուս-իւրքական պայմանագիրը բացառում էր Կասպից ծովի առափնյա շրջանները նվաճած ռուսական զորքերի որևէ շարժում ղեկի Անդրկովկասի ներքին նահանգները։

Այս պարագաներում, ինչ խոսք, կարող էին և տարաձայնություններ առաջանալ շարժման ղեկավարների միջև։ Առավել իրատես անձինք, ինչպիսին էր պետական ու զինվորական գործունեության անցյալ ունեցող Դավիթ-բեկը, հստակորեն վերլուծելով քաղաքական իրադրությունը, չէին կարող հույսեր կապել այդօրինակ օգնության հետ։ Իսկ լավատեսորեն տրամադրվածները, առանց հաշվի առնելու վերոհիշյալ անբարենպաստ քաղաքական զարգացումները, ավանդական մղումներով կարող էին պնդել՝ մեկ անգամ ևս նման մի աղերսագրով դիմելու հզոր Ռուսաց տերությանը, որպես քրիստոնյաների ազատարարի, խնդրելով «վասն Քրիստոսի սէրն» օգնության հասնել գոյամարտի ելած հայությանը¹¹։

Երբ ելնում ենք այն իրողությունից, որ քննարկվող պատմական ժամանակահատվածում ազատագրական պայքարի դրոշ պարզած լեռնաշխարհի հայության գլխավոր թշնամին իրանական բռնակալական լծի տակ տառապած Անդրկովկասի ժողովուրդներին հրի և սրի ուժով իրեն ենթարկելու և ստրկացնելու նպատակով արշավանքի ելած օսմանյան զորքերն էին, ինքնին պարզ է

9 Ա. Միրզոյան. Մխիթար-բեկի կողմից ռուսական կառավարությանն ուղղված ուղերձի հարցի շուրջը.—2002 ԳԱ «Տեղեկագիր» (հաս. գիտ.), 1952, № 8, էջ 90—94։

10 Հայ ժողովրդի պատմություն. հ. IV, Երևան, 1972, էջ 171։

11 П. Арутюнян. Послание Мхитар-бека русскому правительству.—2002 ԳԱ «Տեղեկագիր» (հաս. գիտ.), 1952, № 3, էջ 98—99։